

臨證醫案筆記

如皋吳渭泉
鄆縣曹炳章
先生
原著
校刊

臨證醫案
記

駕湖碩軼庭題



重刊臨證醫案筆記序一

攷醫家之有醫案自倉扁始惜其散見於史乘及名人筆記尚無專書之記載自唐宋元明代有醫案專書而明之江氏璣及清初之魏氏玉橫始有正續名醫類案之輯以蒐羅明以前之醫案集為大成厥後道咸年間陸九芝封翁及陳氏戡安採集自康乾以後至道咸年間之前人治驗醫案計十二厚冊名曰再續名醫類案亦謂博焉及今視之其當時採集者不過十之三四遺漏者且十之六七其間體例亦各有所本或專記疑難奇異者如錢國賓徐洄溪各案是也有專議病理而推議方藥者如羅天益喻嘉言等是也有日錄病狀藥方無首尾系統者如葉氏臨症指南及三家醫案是也有逐日詳載病狀變形更改方藥首尾可考者如吳門治驗錄吳鞠通醫案之類是也有醫案附於澄治法之後以為徵明其治驗者如朱丹溪薛立齋萬密齋雲花溪諸前輩是也有蒐集諸病現狀之種類以定治療之法程者即 吳君渭泉之臨證醫案是也且 先生由大令晉階司馬不數日而特擢監司存升駸使其出為名臣處為名醫即范公所謂不為良相當為良醫洵當代之偉人也故其著醫案每叙一證必先列現狀種類次則見證立法遵古法而不泥古方各類之後又附有簡效單方及外治各法皆多奇效惜是書再續名醫類案亦未搜採惟何惠川文堂集驗方及存、醫話偶採單方數則多稱其妙是書道光丙申刊行未久而遭兵燹板片損失殆盡因此湮沒失傳者有年 炳章 上年購有是

書舊本惜首卷損破缺字尤多其後五卷幸無缺陷恐其失傳爰為悉心校勘急謀石印以廣其傳其間偶有字畫謬誤檢查引用原書以正之文簡脫漏鏤攷語意以補之再恐猶多缺失待後起好學之士改正之則幸甚也

中華民國八年三月 日 四明曹炳章赤電氏叙於古越之集古閣

臨證醫案筆記自序

余稟賦最薄少多病每下帷輒作數日苦同舍友有勸余習長桑書以自求導養之術者余深
避其言因取家藏靈樞素問暨李瀕湖綱目各書讀之時有心得遂廢舉子業博求各大家經
方辨證諸書專心研習句梳字櫛閱數年得古人處方用意之妙按脉自治積痼頓痊而膚體
充實榮衛亦固既里閭中遇險異證為之一治十奏九效洎遊燕趙至京師鄉前輩以余知醫
每一證輒延視亦往往應手愈於是公卿士大夫家車馬往來幾於突不黔而席不煖迨匏繫
一官簿領叢雜由令而收而丞而監司樞史兼三陳臬事權方岳吏事孔亟無暇及此且亦不
敢以此曠職己丑春擢任山東都轉年已七十以足疾告退戢影田廬蕭然無事因思數十年
來辛苦備嘗所臨之證既多所擬之方亦衆其有疾已危殆余投一二劑而若失者當時因公
務煩勞方多湮沒篋中僅有臨證醫案筆記數卷友人勸行世乃為一一檢出區別門類擇
其得心應手者類錄數則以付梓非敢如龐安時之自言心解也海內高明之士如匡子以不
逮則幸甚時道光十六年二月雉皋吳麓渭泉氏識於退耕思補之軒

敘

夫有非常之際遇者必有非常之藝能其處奇磊落個儻瑰瑋之才發為事業者為文章必能方軌往哲垂訓來茲如我 叔外祖渭泉先生洵當代偉人也方其由大令晉階司馬循聲藉甚迺不數月而

特擢監司洵升蹇使人知 先生遭遇之隆而不知其奇才異能實有度越儕輩者出為名臣處為名醫兼而有之矣憶嘉慶丁卯戊辰間 先生需次都門與 往來最密稔知 先生岐黃之學冠絕一時輩下名公卿造廬求請者冠蓋相望即後官皖省觀察閩疆有自彼中來者咸嘖嘖稱 先生之政績與醫理均臻絕頂非其偉抱宏敷奇才出衆能若是之膾炙人口耶讀是篇分肌擘理井井有條因歎 先生學之富藝之精用心之勤畢生精力曾萃是書由是推此心以活民而民活推此心以治國而國治豈僅挾青囊一卷肘後奇方自號為專門名家也哉 先生最久故深信其名實之相符而書其梗概如此

道光丙申年花朝前三日愚再甥沈岐拜序

臨證醫案筆記序 三

昔宋名臣范文正公有言不為良相即為良醫良相可以濟天下良醫可以濟一方於此見公之素所抱負早已超越尋常故公卒為良相調元賞觀古來鴻儒碩彥偉人長德類皆精於醫理以抒其閎濟之懷然以良臣而兼為良醫者蓋寡夫醫之為道通陰陽泰造化消息微茫貫於神明其書如靈樞素問義蘊閎深難經金匱意旨譚輿仲景而後諸家掇論醇疵互見未易折衷非明於道邃於學胞與為懷沉思研究者豈能得其精而詣其極粵稽龍門所傳倉公扁鵲蔚宗所傳郭玉華陀邈矣寡傳賈序難企降至唐宋下逮元明如思邈叔和丹溪瀕湖景岳立齋抱一滄洲皆有接箸後先相傳方軌匪易我

朝名家著述如繆仲醇之經疏筆記俞嘉言之醫律尚論葉香巖之醫案指南徐洄溪之經注軌範皆能辨析毫芒津梁來學自時厥後能接踵前哲者未易多覩以斯知良醫之難能而可貴也如臯吳渭泉先生學探五際才擅九能由宰官游擢至轉運使顧先生於醫理其精平時對症發藥靡不奏效如神海內翕然稱之當先生敷歷皖江時調元適守濠州幸得親炙其休光渥邀知獎燕坐追陪時承指示因得稍窺靈蘭奧旨識其按病處方之微意嗣先生擢山左未幾即以疾乞歸罄娛適軸射雉城邊堂開綠墊德星輝里道廣太邱課孫餘聞著其生平臨證醫案凡六弓物後其哲嗣燮堂郵寄來皖俾序之以付梓人調元幸得觀厥成書追想音微

彌深景黯於摩若先生者殆夙具范文正公不為良相即為良醫之素志其夙所抱負早已超越尋常故能出則為良臣處則為良醫以大展其閭濟之懷其所纂著足與仲醇嘉言香巖洄溪諸名宿並傳不朽無疑矣用是不揣樗昧勉綴一言以誌景仰亟為聚布嘉惠杏林至先生之政猷治績偉略豐功已照耀樽俎聲施衆俗人皆能道之茲不贅述云爾

龍飛道光歲在彊圉作噩日月會於鶉尾之月佛生之前一日受業長汀胡調元謹撰

凡例

一筆記中所用諸方有開明藥味者有祇寫某方加減某藥者愚聞者難查故開載於某類之後如前類已載只寫某方見於某類以免重複

一所開之方有祇開藥品其分量炮製并加減服法以及治證俱未註明者蓋人受病有新久年歲有老少稟賦有厚薄風氣有柔強全在臨證問切因病施藥以方合證故不冗載

一集中自中風至雜證及婦人小兒病分三十七門間附錄簡易數方以備舟次旅邸及窮鄉僻邑倉卒苦乏醫藥之需

一每看證候先察其病情病狀脉象然後論證立法用方皆宗前賢方法而畧參己見稍為加減之蓋緣近畧知醫者甚夥故須剖辯明析以免猜疑至用方用藥皆中正和平人所共識凡隱僻罕見難覓非治所病端約概不採錄

一霍亂案後附畧張景岳刮沙新按並示林藥樵治沙症各法而其要尤在焯刮刺三字手法庶令不知醫者知之以備不虞

一風寒暑濕燥火天之六氣也六氣相雜而為病最宜細辯若陰虛內傷惡寒發熱頭痛概指為傷寒投以散劑為害匪淺不可不慎之於初

一雜證如有內傷外感及老幼強弱元氣虛實之不同須詳細分別至當不易則治法不至混

清而取效更速

一女人之病多於男子其性情多鬱尤易生病凡與男子同病者皆列本門其經脉胎孕產育產後乳病雜證俱另立一門特載其不同以便分析稽考其隱疾概不存錄

一小兒之病古人謂之啞科以其言語不能通病情不易測故曰願治十男子莫治一婦人願治十婦人莫治一小兒此甚言小兒之難治也茲集中所臨之證如初感風寒則內傷飲食以至驚風吐瀉及寒熱疳癩之類不過數種但治小兒當審察虛實虛者固宜培元實者亦不宜攻伐太峻故有餘常慮為不足思患預防斯少失矣

一有諱疾不言或隱情難告甚而故隱病狀試醫以脉者不知自古神聖未有舍望聞問而獨憑一脉之理即如氣口脉盛則知傷食至於何日受傷所傷何物豈能以脉知哉但京城內外士大夫延視之家往往不說病源即煩診脈婦女間以綢帕蒙其手只憑切脈然後詢係何脈何病當用何藥開方立案以試醫之優劣故筆記中間有先論脈次論證後言方之條一筆記有姓氏有名號者據實錄之其有不列名號姓氏者緣京師各省人雜居甚眾醫婦女小兒尤難縷記故只載姓氏病證方藥至其人當諱及婦女之隱疾尤不可不諱

一余遨遊京都各省四十年來所治奇中者廣篋中積稿頗多而以歲久遺失者亦甚夥今所梓僅十之二三聊以明一生之苦心耳至證同治同者刪之概不存錄

臨證醫案筆記總目

第一卷

中風

傷寒

瘟疫

暑證

濕證黃疸

第二卷

腫脹

反胃噎膈

脾胃

嘔吐

霍亂

瘧疾

痢疾

泄瀉

第三卷

頭痛

心腹諸痛

心痛

胃脘痛
腹痛

脇痛

腰痛

疝氣

眩暈

脚氣

淋濁

遺溺

第四卷

虛損

血證

汗證

咳嗽

喘促

痰飲

遺精

第五卷

婦人經脈類

胎孕類

產育類

產後類

乳病類

婦女雜證類

第六卷

雜證

小兒諸證

種痘法

人漫真偽辨

臨證醫案筆記目錄

第一卷

中風

傷寒

瘟疫

暑證

濕證黃疸

臨證醫案筆記卷之一

如臯吳麓渭泉著

男丙輝燮堂
恩照耿齋 恭校
後學曹炳章赤電校刊

中風

宗室相國祿迪園久任盛京暑熱露體貪涼冬令輒於火酒內加生薑汁飲以禦冬遂常患遍體疼痛嗣偶感遭涼及憂慮勞役痼疾即發發時壯熱大渴面赤自汗手足痛如刀刺四肢必接次疼到方止余曰脉浮弦數緣寒暑不慎過飲不節風寒濕熱著於筋骨肢節內經所謂行痺痛痺也隨進上中下通用痛風方加減服之乃愈後伊病偶發即用前方餘參用傷寒治法邪在某經即以其經之藥為引先治其標次以利濕導滯養血疎筋之藥收功并為開藥酒方飲之舊恙悉除矣

熟地

八兩

枸杞

四兩

沉香

一錢

乾桑椹

女貞子

五加皮

各三兩

松節

黃菊花

各一兩

右約每藥一觔用高粱乾燒酒十觔以夏布袋盛浸半月不必煮即可用矣黃酒浸亦可桂圓肉葶藶隨宜加之

明相國昏迷不語口眼歪斜痰喘氣促遺尿不禁脉息堅大急疾乃高年氣血敗竭真元耗散神魂失守之象急用人參五錢熟附三錢煎湯加薑汁灌之以冀萬一

大司冠姜度香述中風半年手足不能運掉且遍體皮膚搔癢暑熱露體令人重抓為快每日抓下皮膚甚多形如麥麩而臭凡祛風活血潤燥之藥遍嘗不效余曰六脉不過浮遲而虛此素受風濕因氣衰血燥乘虛而發可服二味消風散用薄荷蟬退等分為末以當歸煎湯調下後伊說服之無效想久管刑曹雖辦案無不留心從寬然無心之錯恐不能免今患此孽病惟有悔嘆而已

王蘭圃少冠自降郎官後胸多鬱結肝氣時發卒然昏憤語澁痰涎壅盛手足不隨診肝脈弦急脾部沉滑此火衰氣弱脾虛不能運化血虛不能營養筋骨東垣所謂中風非外來風邪乃本氣自病也當用六君子加熟附薑汁竹瀝以溫中豁痰

金壽莊中丞自山西鑄銀入都途間感寒手足麻木抵京忽右半身作癢口眼喎斜神志恍惚余曰脈弱遲細由於真陰肝腎不足火衰氣怯憂思耗傷心脾故致風邪乘虛中於血脉當用大補元煎加桂附峻補元陽使精氣漸旺從緩調養尚可奏效越旬餘復視脉證俱劇詢知另延醫者云此中風之症切忌溫補倘誤服人參熟地補滯經絡恐難收功乃與以追風化痰之屬故困憊至此惟有束手而已

邱道長卒然心神恍惚不省人事口不能言四肢不收痰涎壅塞按脉浮弦數滑係痰飲積熱陰虛火旺痰隨火湧復招外風所致當宗喻嘉言用竹瀝湯消風清熱開痰其神自安此方

可頻服也

竹瀝

生薑汁

生薑汁各半
酒杯

右三汁和勻隔湯燉熟陸續溫服

瞿工部右體麻木不仁四肢不隨語言塞澁氣急痰喘余曰上部浮遲而軟足脉沉細此年裏氣血虛損陰虧於前陽損於後所謂氣虛則麻木虛則木麻木不已而成偏枯痿廢也即用參附湯二帖易服六君子加桂附當歸甚效繼以十全大補湯並八味地黄丸加減調治始愈

農部陳琴山太翁卒倒昏迷口眼喎斜半身不遂按脉浮大滑疾是元陽虧損神機耗散脾胃虛衰痰生氣壅使然當用六君子加附子當歸薑汁惟老年得此中證殊難見功耳

溫工部面赤汗多惡風心神顛倒語言塞澁舌強口乾忪悸恍惚左寸脉浮洪此心經有熱水不制火體虛腠疎風邪乘襲中於胞絡兼中心也宜用二陰煎加天竺黃石菖蒲薄荷牛黃以清心解熱散風利痰則諸症自瘥

景駕部忽昏迷口噤舌強不能言語痰壅氣急診兩關浮滑弦勁此緣食後觸怒復感外邪氣食相乘壅滯中脘胃氣不能運行故有中氣厥逆之疾古云云氣因怒而得者尤多是也當先行吐法即以砂仁陳皮生薑炒鹽煎湯以指探吐吐由宿食數碗隨與烏藥順氣散灌之